

安越堂外集十卷

民國十三年三月初版

安越堂外集全兩冊

定價

中紙一元二角
洋紙八角

外埠酌加郵匯費

編輯者

會稽楊

越

印刷者

紹興上大路中市
四有印刷局

發行者

紹興上大路中市
四有書局發行所

分售者

各埠大書坊



安越堂外集卷五

門人楊越編輯

隨山字方鈔甲編跋尾

棟山樵隱讀菰城荔牆蹇士隨山字方鈔甲編而書其後曰嗟乎使天下人皆鈔如是書書何必著且其功在著書上新唐書方技傳許允宗療視必愈或勸其著書貽後世者答曰醫特意耳思慮精則得之脈之候幽而難明吾意所解口莫能言也古之上醫要在視脈病乃可識病與藥值唯用一物攻之氣純而愈速今之人不善爲脈以情度病多其物以幸有功譬獵不知兔廣絡原野冀一人獲之術亦疏矣一藥偶得它味相制弗能專力此難愈之驗也脈之妙處不可傳虛著方劑終無益於世此吾所以不著書也荔牆遂於醫亦不著

書僕屢見輒請。輒誦許傳以虛著無益爲言。故生平纂述等身。而於醫家言。厯蔡徐氏大椿慎疾芻言。又取王氏士雄溫熱經緯足本參訂之。暇則錄校經驗之方。先出甲編。次第鈔之。而未有已。蓋愍夫今之以情度病者。不師古而自處。功未有幸。殺人如麻。以爲擇禍莫如輕。不若依方檢服。猶冀病與藥值。藥十瘳九。亦許散騎之意也。矧夫婁鄉蕞縣。單戶荒氓。槁臥繩牀。或相傳染。無力延醫。或誤延獵者。可若何。荔牆此編。敎恒河沙數。無辜冤斃之民。於不善爲脈之手。功詎在忠州陸相下哉。原本未有目。出之左方。

舊書本譚賓錄。見太平廣記卷二百十八。無單字。無藥力。旣一病卽作卽立。無人字。證作原。臆作候。未知作不知。所作處地作度。如此作以此。

武帝祠籤跋

代許桂冬大令

忠義神武靈佑仁勇精誠綏靖威顯護國保民關聖大帝祠宇徧海
內而在京師正陽門子城西者爲最著犇走祁籲歲無虛日庭無虛
趾所皮籤詩尤僞靈異齋祓以求隨事響應輒如其人意所默禱以
去休咎徵驗無纖豪爽者詩厘七言絕句百首而隻字單辭剖決駭
摭若周易卦象爻象足以盡千百世之億萬情僞而不可測大矣哉
帝之宣威譎靈不可殫述而籤其一端也咸豐庚申八月某謁選在
都會西事戒嚴將返山右趨禱焉得第四十三籤卽嘯虹筆記所載
汪舟次林石萊奉使琉球所卜者一二句若令某遄行三則直指時
事今年春重入都門征涂無警喜復睹春明氣象則末句諛矣回思
出險履夷如孤舟泛重溟駭浪驚濤使人震掉失色曾不踰時而蛟

鯁惕伏海不揚波。二十八字無一虛設者。爰撫印百本。以詒都人。夫
帝之神異。燁赫非獨顯於中土也。九萬里外。王會所未圖。舌人所案。
譯。

帝眠之。猶廡下耳。異域殊生。亦不能自外於方趾圓顙。獨不震鑠於
其心目也哉。某一下土耳。往來細故。

帝猶不惜豫示而陰祐之。然則挾愷反側。狡焉氣盈。而冀陰逞其毒。
以遂無饗之求。其必不爲。

帝所宥也明矣。敬繹。

聖旨書於末簡。益憬然於。

帝之翊相我。

國家而大庇勑庶。僉可恃以無恐。非但志旅人之幸也。

從曾祖餘山少司農書冊跋尾

公幼工八法。於院體尤擅場相傳。乾隆壬辰殿試。讀卷大臣進呈

前十本。擬公卷一甲第一名。俞大猷孫辰東金榜次之。

御覽甫及柘田卷。而金川軍報至。

披閱踰時。禮臣請

御殿傳臚。遂宣付出。而易今次。然公書法實爲同館冠。以此受知。洊至卿貳。碑版縑素。人咸藏弃以爲珍。青生晚見。公眞迹不多。頃客蘇臺。獲睹是冊。似猶在館時書。而秀勁精妙如此。後可知矣。於以歎公之掇巍科。握文枋。名位都達。其福澤流露楮翰間。不可及也。觀者勿以院體易之。

書居易錄後

錄云王安石嘗三謁茂叔。皆拒而不見。鶴林玉露

卷十

嘗深惜之。以

爲此自有天意。按小倉山房牘外餘言云。王荆公嘗五登周濂谿之門。亦不得見。周秉中評袁太史稿有教無類云。王荆公六詣濂谿先生之門。卒不與見。後乃拘偃自恣。大爲宋朝之禍。說皆本於大經。若以荆公禍宋。追咎濂谿絕之已甚者。然攷之未審也。據度正撰濂谿年譜。嘉祐五年庚子。先生東歸。時王荆公安石年四十。提點江東刑獄。與先生相遇。語連日夜。安石退而精思。至忘寢食。又邢恕敘述明道先生遺事云。王荆公爲江東提刑時。已號爲通儒。茂叔遇之。與語連日夜。荆公退而精思。至忘寢食。名臣言行錄外集

卷一

同。潛邱札記

卷一

引此。不言邢述遺事。而云荆公之屈服正人如此。何一旦柄國。復

諫自信。豈眞性之不可易耶。抑貧賤時能下人。而富貴後遂矜已耶。

年譜所言。蓋即本之和叔。安有三謁不見之事。大經說不知何本。漁洋亦沿其誤。袁云五登。周云六謁。則又槩誤。不足辨矣。

書分甘餘話後

文簡云。近科鼎甲三人皆至八座者甚少。同時者更少。惟癸丑狀元韓莢。第二人王鴻緒。第三人徐秉義。同時登八座。韓禮部尚書。王工部尚書。徐吏部侍郎。衣冠。姁爲盛事。本朝設科以來所未有也。歸田錄記首甲三人並登兩府者。惟天聖五年一榜。此足相匹。洪氏北江詩話引萬青閣偶談同。惟王工部作戶部。按天聖二年狀元宋元憲。郊第二人葉司空。清臣第三人鄭文肅。戢八年狀元王懿恪。拱辰第

二人劉文忠。

沆

三孫文懿。

忬

歐陽不數者。以葉王非兩府也。乾隆丙

辰狀元金德瑛。官左都御史。第二人黃孫懋。官內閣學士。第三人秦

蕙田。官刑部尙書。乙丑狀元錢維城。官刑部侍郎。贈尙書。第二人莊存與。官禮部侍郎。第三人王際華。官戶部尙書。北江詩話引乙丑而忘丙辰。以孫懋名不及金秦之著也。己酉狀元胡長齡。官禮部尙書。第二人汪廷珍。官禮部尙書。協辦大學士。第三人劉鳳誥。官吏部侍郎。道光壬辰。狀元吳鍾駿。官禮部侍郎。第二人朱鳳標。官大學士。第三人季芝昌。官閩浙總督。二百年來。惟此五科同時者。止癸丑乙丑壬辰三科。若嘉慶庚辰。狀元陳繼昌。官江甯布政使。時第二人許乃普。官刑部侍郎。後官吏部尙書。第三人陳鑾。官江蘇巡撫。亦稱一時之盛。此外二人同躋顯秩者。尙多有之。鐫腳鈔矣。明則嘉靖壬戌。狀元申時行。第二人余有丁。第三人王錫爵。皆先後入閣。本朝尙未有。媿之者。

書印雪軒隨筆後

礪花云晉多奇女子。如朱序母韓氏之夫人城。晉甯州刺史李毅女秀之守城拒五苓事。最奇者。荀崧小女灌。年十三。杜曾圍城。帥勇士數十人踰城求援於襄城太守石覽。豫章太守周訪。曾遁去。今日梨園演女將。如梁紅玉黃天蕩等劇。而太平荒誕不經。曷不取荀事演之。越縵桃花聖解。盦樂府曰。有酒隱緣演李燮事。龍庭俠演裴仙先事。而曲未之見。所讀者。廛自演本事。舟觀一闕耳。私謂遠演漢唐。何不近演越事。卽如沈清遠之竊神冠。殪僇屍。杖劍從軍。大魁尙主。從龍衣錦。故劍陳氏重圓。諸實事。搬演之。至姚憂庵之收臺灣。傅重庵之靖苗。冑排當砌末。更爲茶火鉅觀。因讀礪花此條。牽連書之。世有顧曲公瑾。必不河漢鄙言。

李亨特紹興府志卷六十五列女二總督學士沈文奎妻陳氏年十八歸沈方六載文奎游遼化久之傳聞以兵燹死陳昆弟強之改適陳乃截髮誓無貳既而貧益甚夏不能帳冬不能襦日啜一粥死守之文奎從駕入關已逾十八載重逢出於意外尋封淑人卒年六十一。

書某太守客語

茗盞謂古文小品亦不易爲。古人已多言之。後人無可出奇。凡自謂奇外無奇。更出奇者。坐不多讀古書。沾沾自喜。無當也。友人言某太守富甲一鄉。居恆感感。若不聊生。一日對客長歎。客問故。太守曰。安從得千金。便不憂此生。於是客亦撫膺而歎。太守問之。客曰。吾願視公更奢。須千十金。太守笑曰。卿貧士。安用此。客曰。以千金贈公。以十金付酒家胡。太守爲之掀顙。抱煙曰。此集異新鈔卷五之言也。此書不知卷若干。署中州李鶴林鈔。殘本得之冷攤。據卷中垢仙一則。乃

順治乙酉事。則爲國初人。第書名新鈔。此一則不知鈔自何書。未可。凡斷李亦宏。光時人。浣霞曰。此符子之言也。魏文侯見宋陵子。三仕不願。文侯曰。何貧乎。曰。王見楚富者牧羊九十九。而願百。嘗訪邑里故人。其鄰人貧。有一羊者。富拜之。曰。吾羊九十九。今君之一。盈我成百。則牧數足矣。鄰人與之。從此觀焉。富者非富。貧者非貧也。茗盦又曰。此馬氏繹史卷一百一三卿分晉卷中說苑公子成父賀御廩災條。下子注符子今亡傳本。宛斯殆得之類書。嚴鐵橋輯佚子符子一卷。亦未版行。新鈔所載可入笑林。茗盦所言則古文家甘苦有得語也。書見聞隨筆後。

玉谿引丁雪符言。改封建爲郡縣。始暴虐之趙政。因田制稅。不復爲公田。刻薄之商鞅。韻書始賣國弑君之沈約。進士始弑父。孫烝之。

楊廣殿試始淫殺之武嬰。刻印書始無恥之長樂老。四書文始執拗。誤國之荆舒。祀孔子爲至聖先師。以栗主易土偶。始逢君薨禮之張璠。請諡少陵爲文貞。始元之內監。有其事。是而其人甚非者。有其事不甚是。而相沿至今不改者。庸謂約作四聲譜。以爲在昔詞人。案千歲而不悟。獨得肯肌。自謂入神之作。然隋書經籍志。約書僅一卷。竹垞以爲非全韵。可知。晉張諒有四聲韵林二十八卷。則晉已有之。約同時周禹有四聲譜。劉善經有四聲指歸。夏侯詠有四聲韵略。王斌有四聲論。不止約一人。亦非約始也。天授元年二月。策問貢舉人於洛陽殿。應作城卽考功主試之事。非如宋開寶六年。御講武殿。籍終場舉人。再試詩賦。八年。試貢院合格舉人。王式等於殿內爲常制也。

元無殿試。省試。再試於翰林國史館。明洪武四年。始復殿試之制。至於今。刻印書始馮道夢谿筆談孔氏

雜說云爾文獻通考書籍門載刻書始於後唐

池北偶談引五代會要長興三年壬辰命

馬縞等詳勘九經於諸選人中能書者寫付匠雕乾祐中周儀禮公穀四經始鏤板廣順三年田敏進印版九經

石林謂柳

玘訓序言在蜀見字書雕本微之序白長慶集亦云繕寫摹勒街賣

於市雲溪友議

卷

紇干尚書鎮江右作劉宏傳雕印數千本以寄中

朝河汾燕閒錄引隋書開皇十三年十二月八日勅廢像遺經悉令

雕造江邨與阮亭茶餘客話

卷六

皆引之少室山房筆叢因謂犀於隋

行於唐擴於五代精於宋不知雕者廢像造者遺經文裕偶誤元瑞

江邨阮亭茶山似皆未覈變繕寫爲印摹疑始於唐非瀛王也荆公

經義與今之時文不同洪武三年庚戌初行鄉試第一場仍元制先

五經義次四書義各一道皆用論體不入口氣應天以古之欲明明

德於天下者二節與道在邇而求諸遠節合爲一題問二書所言平

天下大指同異。卽沿宋時之法。至十七年甲子。始易之。宋人經義如論桐川俞氏百二十名家載之。豈今之腐爛八股哉。至追崇前代名賢。始於唐太宗貞觀十九年之贈比干太師諡忠烈公。天寶間封屈原清烈公。宋神宗封伯夷清惠侯。叔齊仁惠侯。屈原忠潔侯。似忘天寶間已封公。元世祖封伯夷昭義清惠公。叔齊崇讓仁惠公。屈原忠節清烈公。順帝封微子仁靖公。箕子仁獻公。比干仁獻忠烈公。柳宗元諡文惠。劉蕡昌平公。諡文節。不獨少陵亦不始於中涓之請。雪符言亦有是有。非玉谿偶不昭耳。若婦女弓足。蔽賢甚不足攷。道山新聞謂昉於亡國不良死之違命侯。升庵江邨必据嫋嫋記祕辛諸僞書。并上援史記之利歷。證秦漢已有之。則無理取鬧。隨園蚩爲小人下達者焉。

冊府元龜晉天福五年

庚子

十一月賜張薦明號通元先生令以道

德二經雕上印板命學士和凝別撰新序俾頌天下

庸

按庚子去

長興三年壬辰七年

書翼駟稗編後

勝國孤臣篇云少年全真又云播遷數省諸卿萬里相隨燕頷者請
投鄭氏秦與白鬢者則謂臺灣非用武地秦出一圖云此可暫國取
八島燕頷者云有海舟二百皆無稽不足信明末諸藩僂倖殆盡諸
野史亦無云踞海島者茗磚則以爲不盡子虛林鑑塘開卷有得

卷九

云安谿湖頭有妙峰山山上有寺寺後有僧塔土人言明末隆武實
避地於此時李氏有祖光龍曾官翰林簡討亦隱於茲寺以奉之日
爲師徒夜行君臣禮死因葬焉其塔題法號曰參唯今無識者矣鑑
塘得之傳聞亦不足據茗磚又引亭林餘集文林郎貴州道

御